


vnd dem puncten .16. ein trum vngefertich ober bleyb / darnach setz ich eyn auffrechte lini / auff die  
 zwerchlini .a. b. in den puncten .13. so lang die zwerchlini .a. 16. ist / vnd punctir sie auch mit disen  
 zalen / vnd sel von vnden vber sich / Darnach nim ich ein richscheit / vnd stich darauff die leng .a. b.  
 vnd setz das mit dem ein end / auff die zwerchlini .a. b. in den puncten .1. vnd leg es in der auffrech-  
 ten in den puncten .1. vnd wo das ander end des richscheits hin trifft / da setz ich auch ein puncten .1.  
 Darnach leg ich das richscheid mit dem ein end auff der zwerchlini .a. b. in den puncten .2. vnd er-  
 hebs an der auffrechten lini in den puncten .2. wo dan das ander end des richscheits hintrifft / dahin  
 setz ich auch eyn puncten .2. Also thu ich im durch die ganzen zal der zwerch vnd auffrechten lini  
 bis das ich im durchschließen zu .16. zalen kom / Darnach zeuch ich dise muschellini von puncte zu  
 puncte / wie ich dann hie vnden hab auffgerissen / dise lini ist in mancherley weys zu verkeren.



**D** diser egemachten lini mag man eyn werckzeug zurichten / damit man sie machen kan  
 leichtlich / nemlich also / Mach eyn virectet holz so lang du sein bedarfft vber zwerch / des an-  
 fang sey vorn .a. hinten .b. darein stoff oben eyn tieffe niet / dz etwas darin hyn vnd her gefürt müg  
 werden / vnd theyl das holz / mit puncte vnd zalen in so vill teyl du wilt / vnd heb die zal bey dem .a. an  
 Darnach mach in der mitte an ylicher seitten diser zwerchladen / zwey auffrechte dünne richscheit-  
 lein / so lang das zwerchholz oder laden ist vnd das sie eng bey eynander sten / vñ punctir sie gleich  
 mit der zal / als dz zwerchholz oder die laden punctirt ist / vñ heb die zal vnden an / Darnach mach  
 eyn feins lenslein so lang oder kurz du das haben wilt / vnd mach im zu hinderst eyn vmlaufes red-  
 lein / dz in die mitte der nyet der zwerchladen .a. b. gerecht sey / drinn es hin vñ her geen müg / Darnach  
 schein dz lenslein zwischen die zwey richscheitlein hinaus gegen dem teyl .b. vñ setz das hinten oder  
 vnden mit dem redlen in die mitte der nyet des zwerchholzes / gegen dem .a. in den ersten puncten .1. vñ  
 leg das lenslein zwischen den richscheitlein auch nider in den vndersten puncten .1. vnd wann du  
 dan mit dem redlen vnden gegen dem richscheit ferst / vnd so weyt du hineyn ferst / so weyt far also weg  
 dem lenslein zwischen dein richscheitlein vber sich / bis dz du vnden mit dem redlein durch die zwey

richscheitlein vnd gar ans end kumbst / so wirdet die das lenslein  
 ren / wie sie werden soll / Dise mein meynung hab ich nachfolget au

